



Inatsisartunut ilaasortaq
Najaaraq Møller, Siumut

STU pillugu – § 37 naapertorlugu apeqqutip nr. 111/2023-p akineqarnera

17-07-2023
Suliap normua: 2023 - 3471
All. nr.

Asasara Najaaraq Møller,

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Apeqqut 1:

Naalakkersuisut immikkut aaqqissuussamik atuartsivissamik, inatsit eqqaaneqartumut

assingusumik, inatsisitaarnissamut pilersaaruteqarpat?

a. Taamaangippat Naalakkersuisut pilersitsinninnissaq pillugu nassuiaateqaqquneqarput

Akissut:

Naalakkersuisut inuusuttunut ilinniartitaanermi immikkut aaqqissuusamik ilinniarnissamut neqeroorteqarnissamut pilersaaruteqarput tamatumani inuusuttunut immikkut pisariaqartitsisunut nutaamik inatsisiliortoqarnissaanik pisariaqartitsineq eqqarsaatigalugu (STU). Sullinniakkat tassaassapput inuusuttunut ilinniarnermik nalinginnaasumik ingerlatsisinnaangitsut ilinniakkanut pioreersunut nalinginnaasumik ilinniartinneqarnissamut tapiissuteqarfiusartunut. Naalakkersuisut inuusuttut innarluutillit suliffeqarfinnut naapertuuttumik piginnaangorsarniarlugit ilinniarnermik pilersitsiniarput. Ilinniarfimmittaaq inuusuttut pineqartut namminerisamik inuuneqalernissaanut piginnaasaqalernissaat qulakkeerneqassaaq. Inuuneq isumalimmik imaqartoq aningaasarsiorfiusumillu siliffeqarneq. Sullinniakkat ilinniakkap ingerlanngata anguniagassartaasalu inunnut ataasiakkaanut tulluarsagaanissaat pisariaqartippaat. Naatsorsuutigineqarpoq inuusuttunut immikkut aaqqissuusamik ilinniartitaanermik qulaajaanissaq ineriartortitsinissarlu Meeqqanut, Inuusuttunut Ilaqutariinnullu Naalakkersuisoqarfimmit, Isumaginninnermut, Suliffeqarnermut Nunamullu Namminerimut Naalakkersuisoqarfimmit aamma Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmit Naalakkersuisoqarfiit akimorlugit suleqatigiinnikkut ingerlanneqassasoq.

Apeqqut 2:

STU-Lov"-itut siunertalittut inatsimmik pilersitsiniaraanni qanoq akeqassava?

a. Apeqqut siulianiittoq akineqarsinnaangippat, apeqqutip akisinnaanissaanut suna pisariaqartinneqarpat?

Akissut:

Immikkut aaqqissuusamik ilinniartitaanermik pilersitsiniarneq Naalakkersuisoqarfiit akimorlugit suleqatigiissitat qanoq akeqassanersoq qulaajaanermi paasissavaat, apeqqut 1 takuuk.

Inussiarnersumik inuulluaqqusillunga


Aqqaluaq B. Egede